

所致災變連綿適值求言之際妄料陳疏筆迹各異事則監司入
縣時一道進呈紙惡改書云故使同縣居幼學下成溫改書進呈
前日所製上疏一道粘付故筆迹各異矣粘付上疏則崔浩稱名
入處借書而傳無傳問相議之人刑訊一次後供云

乙巳年十二月長興居徐主文家歸到日不記往主文四寸妹
夫武科出身鄭綸家則鄭綸言林百齡林九齡等虛事誣告柳灌
等曖昧被罪云主文同聽其說矣臣起疏草借書於珍原居進士
金應鼎處應鼎乃四寸孫故初推時以崔浩書寫納段云

史臣曰乙巳逆賊事人皆以為冤故如瑞順尚知上疏論救可見
其人心天理久而不泯矣在朝之臣怯於尹元衡之威勢未敢開
口而危言正論每發於草茅之中其可得而盡誅之哉

已巳 上御夕講○夜月微暈白氣一道自坤方至巽方冒月而
過

庚午夜巽方南方如火氣

辛未諫院啓曰金山浦乃倭船到泊初程為僉使者遇倭人出棗